



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 86. Responsio Basileensium ad Eugenii Papæ decretum.

---

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Secul. XV. proponere intenderit, vel duntaxat tamquam doctrinam piam. Et quod ultimum etiam vero similis esse videtur: cum Concilii Tridentini Patres de hac quæstione nihil definiendum censuerint. Hac quoque mente omnes Doctores, et Parisiensis Facultatis Baccalaureos coram tota facultate sacramento ad defendendam immaculatam Virginis conceptionem se obstringere existimo, Decano sic interrogante: *Jurabitis, quod tenebitis determinationem Facultatis de Conceptione Immaculatæ Virginis Mariæ, scilicet, quod in sua Conceptione præservata fuit ab originali labe*: Respondetque Doctor aut Baccalaureus, *Juro*.

## §. LXXXVI.

*Responsio Basileensium ad Eugenii Papæ decretum.*

*Conc. gen. Labb. to. 12. in epist. Synod. n. 15. p. 765.*

Porro nec ad acerbum Eugenii Papæ decretum obmutescabant Basileenses, sed apologia contra illud, quod itidem non nisi investivam appellabant, adorta ostendere nitebantur, propositiones a se definitas esse veras, ac jure Eugenium Papam, quem identidem non nisi Gabrielem vocabant, exauctoratum. Cumque Eugenius ad enervandam Constantiensis Concilii auctoritatem eisdem exprobrasset, quod illius decreta de Superioritate

tate Concilii, per unam tantum ex tribus **Sæcul. XV.**  
 obediētis post recessum Joannis XXIII. **A.C. 1439.**

Constantiæ tunc schismate vigente condita fuerint, ipsi hæc confutare aggressi, Eugenio objectant, quod subdolis tantum artibus Græcos Ferrariam pellexerit. Insuper Basileensium nonnulli Eugenii decretum velut hæreticum condemnandum esse conclamabant: Unde nova inter illos jurgia, acresque admodum altercationes exortæ, quarum tamen ardorem Joannes Segoviensis opportune sedavit, demonstrans, summi Pontificis decretum hæresis insimulare, rem esse majoris longe periculi, quam sibi persuaderent, *Maxima, inquiebat ille, est multitudo eorum, qui Eugenium ut Pontificem colunt, neque assentient ejus depositioni. In Congregatione illa Florentina adsuerunt Cardinales omnes, magnaque Prælatorum multitudo, cum fuit editum Decretum: Omnes igitur damnari, atque hæreticos censerī oporteret, si ejus Sessionis decreta hæretica censeantur: periculosumque nimis, si duæ futuræ obediētiae, Eugenii scilicet, & novi Pontificis hæresim sibi invicem objiciunt. Ergo hujus negotii decisionem quietiori tempori reservandam censuerunt, necquidquam obluētante Cardinale Arelatensi. Hæc itaque sunt, quæ in Congregatione Generali die septima Octobris agitata, & in proxima Sessione confirmata fuere.*

*Acta Patricii*  
 art. 97. tom.

13. Conc. 1575

L 1 3 Joannes

**Sæcul. XV.**  
**A. C. 1439.**

Joannes de Turrecremata Basileensium apologiam confutat, potissimus tamen sermonis ejusdem scopus ad Pontificis auctoritatem supra Concilia extollendam collimat, Romanumque Pontificem multis in casibus Concilium dissolvere, aut transferre posse pluribus comprobatur argumentis (\*).

§. LXXXVII.

*Imperatoris postulata ad Basileenses de electione alterius Papæ differenda.*

Eodem mense Octobri nonnulli Prælati ex vicinis Provinciis, præcipue ex Sabaudia Basileam venerunt, scilicet Archiepiscopus Tarentasiensis, Episcopus Bellicensis, & alii. Imperator datis ad Basileenses literis pariter in eos invehabatur, quod suas, aliorumque Principum preces & protestationes spreverint, ac contra eorum voluntatem Eugenio resisterint, eumque etiam exauctorare præsumperint: simul vero, ut ab alterius Papæ electione abstinerent, eos adhortabatur, se enim proxime suos missurum Legatos

(\*) Quam justum sit Continuatoris judicium de proluxa Joannis de Turrecremata refutatione pronuntiatum, ex sola illius lectione ad oculos patebit.